



Perutusan Pengerusi

**Y.A.M. Tan Sri Dato' Seri
Syed Anwar Jamalullail**

(D.K. II (Selangor), P.S.M., S.S.I.S., S.P.M.P., S.S.P.J.)

Pengerusi, Lembaga Zakat Selangor

Assalamualaikum Warahmatullahi wabarakatuh,

Dengan nama Allah Yang Maha Pemurah lagi Maha Penyayang, selawat dan salam ke atas junjungan besar Nabi Muhammad S.A.W., ahli keluarga baginda, serta para sahabat yang sentiasa mengiringi perjuangan baginda.

Alhamdulillah, dengan izin Allah S.W.T, tahun 2024 menandakan ulang tahun ke-30 penubuhan LZS. Sambutan Jubli Mutiara 30 Tahun (JM30) yang bertemakan “Jalinan Harapan, Membangun Kehidupan” merupakan simbol komitmen berterusan kami dalam memperkukuh perkhidmatan kutipan dan agihan zakat demi kesejahteraan umat Islam di Selangor.

Kejayaan yang dicapai sepanjang tiga dekad ini tidak akan terlaksana tanpa sokongan dan kepercayaan para muzakki yang istiqamah menunaikan zakat melalui LZS. Sesungguhnya, setiap sumbangan yang diberikan menjadi pemangkin kepada perubahan hidup ribuan asnaf, sekali gus mencerminkan peranan besar para muzakki dalam membina masyarakat yang lebih sejahtera dan berkat.

LZS akan terus melangkah ke hadapan sebagai sebuah institusi zakat yang diyakini, menepati piawaian pengurusan zakat bertaraf global, dan berperanan sebagai tonggak utama dalam membela nasib golongan yang memerlukan.



Pencapaian dan Prestasi 2024

Kami amat bersyukur kerana dengan amanah yang diberikan kepada kami sebagai pengelola zakat, LZS terus berusaha untuk meningkatkan pengurusan zakat dengan penuh integriti dan profesionalisme. Pada tahun 2024, kami telah berjaya membantu **lebih 370,000 asnaf** dengan jumlah agihan zakat sebanyak **RM1.19 bilion**.

Selain itu, kutipan zakat pada tahun 2024 mencecah **RM1.22 bilion**, sekaligus mengekalkan pencapaian kutipan dan agihan zakat lebih daripada RM1 bilion untuk tahun ketiga berturut-turut. Pencapaian ini menunjukkan kestabilan dan keberkesanan pengurusan zakat oleh LZS sejak tahun 2022, apabila kutipan sebanyak **RM1.07 bilion** dan agihan sebanyak **RM1.05 bilion** dicatatkan. Tahun berikutnya, pada 2023, kutipan dan agihan bertambah kepada **RM1.12 bilion** dan **RM1.15 bilion**.

Terima kasih diucapkan kepada seluruh pengeluar zakat yang telah menunaikan kewajipan mereka melalui LZS. Dengan sokongan anda, kami dapat meringankan beban golongan asnaf dan memastikan kelangsungan hidup mereka. Sesungguhnya, **sedikit bagi anda, segalanya buat mereka**.

Cabaran dan Penyelesaian

Walaupun kami berbangga dengan pencapaian yang telah diraih, kami juga menyedari bahawa pengurusan zakat sentiasa berhadapan dengan pelbagai cabaran. Salah satu cabaran utama adalah memastikan bantuan zakat sampai kepada mereka yang benar-benar memerlukan, terutamanya dalam mengatasi kesukaran untuk mengenal pasti asnaf yang layak dalam golongan yang terpinggir dan tersembunyi. Oleh itu, LZS sentiasa berusaha memperbaiki sistem dan prosedur pengagihan zakat, dengan memperkenalkan teknologi dan pendekatan yang lebih efisien dalam penyaluran bantuan.

Di samping itu, kami juga terus berusaha untuk memperkasakan sistem semakan dan pemantauan agar bantuan zakat dapat sampai dengan cepat dan tepat. Kami sedar bahawa kepercayaan rakyat terhadap pengurusan zakat adalah amat penting. Oleh itu, kami komited untuk memastikan ketelusan dalam setiap langkah yang diambil. Dalam usaha mengatasi cabaran ini, kami turut mengalu-alukan kerjasama daripada semua pihak, terutamanya pengeluar zakat dan agensi kerajaan yang berkaitan, untuk memastikan setiap sen zakat digunakan dengan sebaik-baiknya bagi mencapai matlamat membantu asnaf dan meningkatkan kesejahteraan mereka.

Visi dan Harapan Masa Depan

Untuk memastikan keberkesanan dan ketelusan dalam pengurusan zakat di negeri Selangor, LZS mensasarkan beberapa matlamat, antaranya:

1. **Meningkatkan capaian terhadap asnaf melebihi 50%** daripada asnaf sedia ada termasuklah capaian kepada golongan rentan iaitu keluarga yang berpendapatan isi rumah kurang RM6,000 sebulan
2. **Mengeluarkan 15,000 keluarga/individu asnaf** daripada belenggu kemiskinan
3. **Meningkat kemahiran asnaf** supaya mereka lebih berdikari dan mencapai kualiti hidup yang lebih baik, selaras dengan wawasan jangka panjang LZS melalui program pembangunan asnaf
4. **LZS menjadi jenama *Top of Mind*** dan dikenali sebagai Jenama Terunggul dikalangan Masyarakat

Penutup

Akhir kata, saya ingin merakamkan setinggi-tinggi penghargaan kepada semua pengeluar zakat, dermawan dan rakan-rakan strategik kami yang terus memberi sokongan padu terhadap usaha-usaha yang dijalankan oleh LZS. Kepercayaan dan kerjasama yang diberikan merupakan sumber kekuatan bagi kami untuk terus maju dalam memperbaiki kehidupan asnaf di Selangor.

Kami juga ingin menzahirkan penghargaan kepada seluruh warga kerja LZS yang sentiasa berdedikasi dalam melaksanakan amanah yang dipegang dengan penuh tanggungjawab. Tanpa kerjasama dan komitmen mereka, kejayaan yang diraih sepanjang 30 tahun penubuhan LZS tidak akan tercapai.

Semoga setiap usaha yang dilakukan mendapat keberkatan daripada Allah S.W.T. dan memberi manfaat yang berkekalan kepada umat Islam, khususnya golongan yang memerlukan. Dengan sokongan semua pihak, kami yakin bahawa LZS akan terus berkembang dan berperanan dalam mencipta masyarakat yang lebih sejahtera dan bermaruah, seiring dengan visi untuk membangun kehidupan yang lebih baik bagi generasi akan datang.

Akhir kata, saya mendoakan semoga kita semua sentiasa dilimpahi rahmat dan hidayah-Nya, serta diberikan kekuatan untuk terus berkhidmat dalam jalan yang diberkati. Semoga Allah S.W.T. sentiasa mempermudah segala urusan kita dalam menjalankan amanah ini.

Sekian,

Wassalamualaikum Warahmatullahi wabarakatuh.

Y.A.M. Tan Sri Dato' Seri Syed Anwar Jamalullail

Pengerusi, Lembaga Zakat Selangor